

ZBOG ČEGA MOŽETE IZGUBITI VOZAČKU DOZVOLU

POLOŽILI STE VOZAČKI ISPIT, DOBILI VOZAČKU DOZVOLU I STUPLI U SVIJET VOZAČA. ŽELIMO VAM SREĆU U TOM SVIJETU! NO, SAMO SREĆA NIJE DOVOLJNA DA BISTE U TOM SVIJETU OSTALI DUGO I SIGURNO.

Važno je da poznajete bitne odredbe Zakona o osnovama sigurnosti saobraćaja jer ste vozački ispit položili i dobili vozačku dozvolu da biste bili savjestan učesnik u saobraćaju, a ne da vaša vozačka dozvola bude deponovana ili oduzeta od strane nadležnih organa.

Vozači, koji vozilom ne upravljaju u skladu sa propisima mogu dobiti kaznene bodove, a za to su predviđene određene sankcije:

- Vozač koji u roku od dvije godine od dana sticanja prava da prvi put upravlja motornim vozilom "B" kategorije, sakupi **4 kaznena boda**, vozačka dozvola će se oduzeti i poništiti. Smatrat će se da ta osoba nema položen vozački ispit te će ga morati ponovo polagati.
- Ako u roku od godinu dana zbog učinjenih prekršaja sakupite najmanje **7 kaznenih bodova** MORAT ćete pohađati predavanje o posljedicama koje proizlaze iz nepoštivanja ili nepoznavanja saobraćajnih propisa.



ŠTA TO ZNAČI?

- Na predavanju ćete provesti ukupno 24 sata u periodu od 6 dana čime gubite svoje slobodno vrijeme koje možete provesti puno korisnije.
- Predviđena predavanja koštati će Vas 250 KM koje također možete potrošiti u korisnije svrhe.

ŠTA AKO SE NE ODAZOVETE POZIVU NA PREDAVANJA?

Vozaču koji se ne odazove pozivu na predavanja PRIVREMENO ĆE SE ODUZETI VOZAČKA DOZVOLA sve dok ne sasluša predavanja.

- Ukoliko u roku od godinu dana zbog učinjenih prekršaja sakupite najmanje **10 kaznenih bodova** MORAT ćete nakon predavanja ići i na provjeru poznavanja saobraćajnih propisa, a vozačka dozvola će Vam biti oduzeta dok ne položite ispit i dok ne protekne rok od 30 dana.

Osim kaznenih bodova, za sve učinjene prekršaje dobit ćete i novčanu kaznu, a zavisno od težine prekršaja možete dobiti i zabranu upravljanja motornim vozilom.

Dakle, očigledno je da se ne isplati činiti prekršaje!


Želimo Vam da budete savjestan učesnik u saobraćaju i da se sljedeći put vidimo kada dođete zamijeniti Vašu vozačku dozvolu.

Ministarstvo unutrašnjih poslova Kantona Sarajevo.

KOJI PREKRŠAJI SE NAJČEŠĆE DEŠAVAJU NA PODRUČJU KANTONA SARAJEVO, A ZA KOJE SE MOGU DOBITI KAZNENI BODOVI?

PREKRŠAJ	NOVČANA KAZNA	ZAŠTITNA MJERA	KAZNENI BOD
Utvrđena količina alkohola: - preko 1,5 g/kg	400-1000 KM	2-6 mjeseci	2
- od 0,8-1,5 g/kg	100-300 KM	1-4 mjeseca	2
- od 0,3-0,8 g/kg	50-250 KM	-----	1 ili 2
Odbijanje svih načina utvrđivanja alkoholisanosti i uticaja opojnih sredstava	400-1000 KM	2-6 mjeseci	2
Upravljanje vozilom pod djelovanjem opojnih droga ili lijekova na kojima je označeno da se ne smiju koristiti za vrijeme upravljanja m/v	100-300 KM	1-4 mjeseca	2
Brzina viša od 30 km/h od dozvoljene	400-1000 KM	2-6 mjeseci	2
Prekoračenje dozvoljene brzine za više od 20 do 30 km/h	100-300 KM	1-4 mjeseca	2
Istek registracije preko 30 dana	400-1000 KM	2-6 mjeseci	2
Istek registracije vozila do 30 dana	100-300 KM	-----	1
Korištenje nepripadajućih registarskih tablica	400-1000 KM	2-6 mjeseci	2
Upravljanje vozilom u vrijeme trajanja zaštitne mjere zabrane upravljanja motornim vozilom	400-1000 KM	2-6 mjeseci	2
Upotreba mobilnog telefona suprotno zakonskim odredbama	100-300 KM	-----	1
Korištenje uređaja za ometanje rada uređaja za mjerenje brzine	100-300 KM	-----	1
Nekorištenje sigurnosnog pojasa	100-300 KM	-----	1
Prolazak kroz raskršnicu kada je upaljeno crveno svjetlo na semaforu	100-300 KM	1-4 mjeseca	2
Preticanje kolone vozila ili počne preticanje kada je vozač iza njega počeo radnju preticanja ili kad se preticanjem ugrozi vozač vozila koje dolazi iz suprotnog smjera ili preticanje prije vrha prevoja ili u nepreglednoj krivini	100-300 KM	1-4 mjeseca	2
Preticanje prije tunela i u tunelu koje u smjeru kretanja ima samo 1 saob. traku	100-300 KM	-----	1
Preticanje vozila koje je stalo ispred obilježnog pješačkog prelaza radi propuštanja pješaka	100-300 KM	1-4 mjeseca	2
Ne zaustavi vozilo ispred obilježnog pješačkog prelaza kada mu je datim znakom zabranjen prolaz	100-300 KM	1-4 mjeseca	2
Ne postupi po znaku ili naredbi ovlaštenog službenog lica	100-300 KM	-----	1
Ne dostavi podatke o licu koje je upravljalo njegovim vozilom	100-300 KM	-----	1
Vlasnik ili nosilac prava raspolaganja vozilom omogući da vozilom upravlja lice koje nema pravo upravljati vozilom	100-300 KM	-----	1
Upravljanje vozilom one kategorije koja nije naznačena u vozačkoj dozvoli	100-300 KM	-----	1
Nedostavljanje vozačke dozvole radi upisa zaštitne mjere	100-300 KM	-----	1
Naglo pokretanje vozila iz mjesta uz stvaranje nepotrebne buke i škripe	50-250 KM	-----	1 ili 2
Presijecanje organizovane kolone ili povorke pješaka	50-250 KM	-----	1 ili 2
Ako u roku od 8 dana ne vrati registarske tablice nadležnom organu	50-250 KM	-----	1 ili 2

*Ukoliko je učinjen neki od gore navedenih prekršaja pa time prouzrokovana saobraćajna nezgoda onda se visina novčane kazne i zaštitne mjere povećava.



PAŽNJA! PAŽNJA! PAŽNJA!

